

恩惟者於法善巧彼菩薩於神通若信解若作用其心自在隨欲所行以善成熟故自根本住持故諸處順行如風遍空於中菩薩得

四無量及四禪那已若信解若作用出生天眼若諸天龍夜叉乾闥婆等若學人及聲聞獨覺天眼於中獨有增上之力清淨勝過光明

勝過上首勝過殊異勝過其眼無礙世間色相龐細遠近隨其所欲彼皆能見如是聞天人畜生等聲如是念知前世無邊無際如是知他心與貪欲等俱乃至八萬四千差別如是得無量神足以得神足故諸所應調伏

衆生悉令調伏

四界如毒蛇 六入如空村 五衆如殺者

應作如是觀

長夜以諸樂具受用因緣雖守護將息長養此地等四界而速疾發動不知恩養不可依怙不可委信故應當觀察猶如毒蛇以無主故離我我所故眼等諸入有六賊衆逼惱可

畏故應當觀察猶如空村共和與物破壞打罰不能遮障故猶如殺者於五受衆應當日日如是觀察

重法及法師 亦捨於法慳 教師勿捲秘聽者勿散亂

於此有四種法能生大智應當受取於法及法師中應當尊重亦捨法慳隨所聞法隨所習誦爲他演說若有樂欲法者教師勿爲捲手祕惜聽者勿散亂謂莫有異欲

無慢無希望 唯以悲愍心 尊重恭敬意爲衆而說法

復有四種法是大智相應當受取所謂遠離

父六

二

朱

自高輕他無憍慢故棄捨利養恭敬名聞無希望心故於無明閻障衆生中唯悲愍故尊重恭敬爲其說法以此四種法故菩薩大智具足應當受取

於聞無厭足 聞已皆誦持 不誑尊福田亦令師歡喜

多聞無狀聞已持法持法已順法行法不誑

所尊福田亦令教師歡喜此法是菩提心不忘失因

不應觀他家 心懷於敬養 勿以論難故
習誦於世典

不應為供養恭敬因緣往觀他家除為安立
菩提心因緣亦不應欲為論難故習誦諸世

論等除為多聞因緣

勿以瞋恚故 毀訾諸菩薩 未受未聞法
亦勿生詬謗

何以故為護續生善法因緣

斷除於憍慢

當住四聖種

勿嫌於他人

亦勿自高舉

斷除憍慢者於諸衆生中當下心如狗斷除

我慢於輕儉衣食卧牀藥具四聖種中亦應

當住於彼聖種知足故不應嫌他亦不應自

高舉

若實不實犯 不得發覺他 勿求他錯失

父六

三

朱

自錯當覺知

他同梵行者犯罪若實若不實皆不應發覺
他有錯失不應求覓唯於自錯即應覺知
佛及諸佛法 不應分別疑 法雖最難信
於中應信之

於佛不應分別以世尊具足未曾有法故亦

於佛法不應疑惑以於諸衆生是不共法故
及於最難信佛法中以深心清淨故應當信之
雖由實語死 退失轉輪王 及以諸天王
唯應作實語

若菩薩由實語故若奪物若死雖退失轉輪
王及諸天王唯應實語何況其餘而不實語

打罵恐殺縛 終不怨責他 皆是我自罪
業報故來現

諸有他來打罵恐怖殺縛幽閉皆是自罪應
當有此絡不瞋他此是我業前世已作今時
還受相似不愛之果彼諸衆生都無有罪唯
是我罪業報來現應當有此

應極尊重愛 供養於父母 亦給侍和尚
恭敬阿闍梨
於父母所應當極愛尊重供養應作天想隨
父母意令得悅樂離詭幻心又應恭敬給侍
和尚阿闍梨隨和尚阿闍梨所說法中無有
內祕皆爲外化

爲信聲聞乘 及以獨覺乘 說於最深法

此是善薩錯

此中善薩有四種善薩錯失應當捨離所謂
於聲聞獨覺乘諸衆生中爲說最深之法是
善薩錯

爲信深大乘 衆生而演說 聲聞獨覺乘

此亦是其錯

於信深大乘諸衆生中爲說聲聞獨覺乘是
善薩錯

大人來求法 慢緩不爲說 而反攝受惡
委任無信者

若有正住大衆生來有所求時應即爲說善

父六

四

法而更慢緩破戒惡法反攝受之是善薩錯
於大乘中未有信解未以四攝事成熟者而
信任之是善薩錯是爲四種
遠捨所說錯 所說頭多德 於彼當念知
亦皆應習近

此中所說四種錯失應遠捨離以此去菩提

遠故若聲聞獨覺乘中所說頭多等及餘功
德但知彼等不與菩提作障礙者於彼彼中
亦應習近

等心平等說 平等善安立 亦令正相應
諸衆生無別

此四種善薩道應當習近何等爲四所謂諸
衆生中起平等心諸衆生中平等說法諸衆
生中平等善安立諸衆生中令正相應此等
皆無差別是爲四種

爲法不爲利 爲德不爲名 欲脫衆生若
不欲自身樂

此四種真實善薩應當覺知何等爲四所謂

但爲於法不爲財利但爲功德不爲名稱但欲脫衆生苦不欲自身安樂

密意求業果 所作福事生 亦爲成熟衆

捨離於自事

若於業果密意欲求作三福事生此福時唯

爲菩提利樂衆生亦唯爲菩提成熟於衆爲

父六

五

朱

利衆故捨離自事此是四種真實菩薩

親近善知識 所謂法師佛 勸勵出家者

及以乞求輩

此四種菩薩善知識應當親近何等爲四所謂法師是菩薩善知識爲助持聞慧故佛世尊是菩薩善知識爲助持諸佛法故勸出家

者是菩薩善知識爲助持諸善根故乞求者是菩薩善知識爲助持菩提心故此四種菩

薩善知識應當親近

依止世論者 專求世財者 信解獨覺乘

及以聲聞乘

此四種菩薩惡知識應當知之何等爲四所

謂世論者習近種種雜辯才故攝世財物者不攝法故獨覺乘者少義利少作事故聲聞乘者自利行故

此四惡知識 菩薩應當知 復有應求者

所謂四大藏

如前所說四種知識是惡知識知已應離復有應求得者所謂四大藏

佛出聞諸度 及於法師所

見之心無礙

樂住空閑處

此四種菩薩大藏應當得之何等爲四所謂奉事出世諸佛聽聞六波羅蜜以無礙心見於法師以不放逸樂住空閑之處此是四種

菩薩大藏應當得之

地水火風空 悉與其相似

一切處平等

利益諸衆生

與地水火風虛空等有二因緣相似菩薩應當攝受所謂平等故利益故如地等大及虛空五種於有心無心中一切處平等無有異

相諸衆生等常所資用而無變異不求報恩
我亦如是乃至覺場究竟爲諸衆生之所資
用而無變異不求報恩

當善思惟義勤生陀羅尼勿於聽法者
爲作於障礙

義者佛所說義於彼當善思惟若共談若獨

父六

六

朱

住應如是作又安住禁戒清淨心意精勤鮮
潔當生及聞銀主海主等陀羅尼又於聽法
者所勿以微少因緣而作障礙爲離法災生
業故

惱中能調伏小事捨無餘八種懈怠事皆

皆亦應除斷

惱中能調伏者於中有九種惱事所謂於我

作無利益已作今作當作是爲三種於我親
愛作無利益已作今作當作復爲三種於我
憎嫌與作利益已作今作當作復爲三種此
等皆作惱事於此九種惱事之中當自調伏
小事捨無餘者於中有二十種小事所謂不

信一無慚二詭幻三掉四亂五放逸六害七

無愧八懈怠九憂十辱十一睡十二

十四嫉十五慳十六高十七忿十八悔十九闊二十

舊睡舊眠恨三覆

此等二十種小事皆捨無餘八種懈怠事皆
亦應除斷者於中有八種懈怠事所謂我欲
作務即便安卧不發精進一我作務已二我

欲行路三我行路已四我身疲乏不能營業

五我身沉重不能修業六我已生病七我病

得起不久即便安卧不發精進八由此等故
應得不得應到不到應證不證此等八種懈
怠事中爲除斷故應發精進

莫作非分貪橫貪不稱意離者皆令合

父六

七

朱

無間親非親

若見具足利養名聞安樂稱譽福德衆生於
彼具足福中莫作非分貪心以作非分貪心
則不稱意是故所不應作又於各各共諍離
壞衆生中無間親與非親皆令和合同心相愛
於空而得空智者莫依行若當得於空

彼惡過身見

依空拔除大無智聚故智者莫依得空而行
若依得空而行則於有身見人難治過之惡
亦過之以諸見行由空出離若著空見彼不
可治以更無令出離故

掃塗與莊嚴 及多種鼓樂 香鬘等供具

供養於支提

於如來支提及形像所掃地塗地香鬘燒香
末香華蓋幢幡等莊嚴供養之具當作供養
爲得端正戒香自在故貝笛笙箇腰鼓大鼓
雷鼓拍手等種種鼓樂供養爲得天耳故

作種種燈輪 供養支提舍 施蓋及革屣

騎乘車輿等

支提舍中應以種種香油蘇燈蔓等善作供
養爲得佛眼故布施傘蓋皮鞋象馬車輿乘
等爲得菩薩無上神通乘不難故

專應喜樂法 樂知信佛得 喜樂給侍僧

亦樂聞正法

於中菩薩常應如是喜樂於法莫喜五欲福
樂當知信佛所得之利莫唯信樂見於色身
當於僧中以諸樂具常喜給侍莫唯喜詣問
訊而已常喜聞法無有厭足莫唯喜樂暫聞
其語

前世中不生 現在中不住 後際中不到
如是觀諸法

因緣和合力故及無所從來故前世中不生
念念破滅故及不住故現在中不住滅無餘
故及無所至去故後際中不到應當如是觀
察諸法

好事與衆生 不求彼好報 當爲獨忍苦

不自偏受樂

父六

八

菩薩於諸衆生當以好事而利樂之自不希
望彼等衆生利樂好事及諸衆生有無量種
種苦相我獨爲其忍受我有樂具與諸衆生
受用爲樂

雖足天福樂 心不舉不喜 雖貧如餓鬼

亦不下不憂

雖住大具足福報天中其心不作喜之與舉
雖爲餓鬼貧窮破散逼惱此最難活不應生
下心亦復不應憂何況人道貧窮破散
若有已學者 應極尊重之 未學令入學
不應生輕憮

若有已學衆生於彼應作至極尊重若未學
者應令彼等入學亦不應輕憮之

戒具者恭敬 破戒令入戒 智具者親近
愚者令住智

戒具足人應當問訊合掌向禮等而恭敬之
亦應爲彼說持戒福若破戒者應令入戒亦
應爲彼說破戒罪智具足者應當親近亦應
爲彼顯智慧德愚者應令住智亦應爲彼演
愚癡過

流轉苦多種 生老死惡趣 不怖此等畏

當降魔惡智

菩薩於流轉中流轉多種生老死憂悲苦惱

等地獄畜生餓鬼阿脩羅惡趣等不應怖畏
唯當降伏惡魔惡智

所有諸佛土 摧聚諸功德 為皆得彼故

發願及精進

十方無量諸佛國土若佛土具足若佛土莊
嚴若從諸佛菩薩聞若自見之彼皆摧聚殊
勝功德皆令彼等入到自佛土中應當作如
是願隨所願即隨成就亦應如是精勤修行
恒於諸法中 不取而行捨 此爲諸衆生
受擔欲荷負

以取故苦不取故樂作是念已恒於諸法不
取而捨雖不取而捨若此先時爲趣菩提故
作願受擔衆生未度者我當度未脫者我當
脫未寂滅者我當寂滅此應荷負爲諸衆生故
正觀於諸法 無我無我所 亦勿捨大悲
及以於大慈

說諸法無所有如夢如幻故諸法無我其無
我所者觀無相故如是以最勝義法觀此相

時然於衆生亦不捨大悲及以大慈如是應當倍復稱量歎言奇哉彼諸衆生癡闇所覆著我我所於此最勝義道法中而不覺知我當何時令彼衆生於此最勝義道法中而得覺知是爲於衆生中不捨大悲及以大慈勝過諸供養以供佛世尊彼作何者是

所謂法供養

若有以諸供具供養諸聲聞獨覺菩薩及佛世尊所謂或以諸華香鬢末香燈輪供養或以諸蓋幢幡供養或以諸音樂等供養或以諸藥美飲食等布施供養若欲勝過彼諸供養以供養佛復何者是答言所謂法供養彼法供養復有何相

若持菩薩藏及得陀羅尼入深法源底

是爲法供養

於中若與菩薩藏相應如來所說經等甚深明相背諸世間難得其底難見微細無著了義以總持經王印印之不退轉因從六度生

善攝所攝順入助菩提法合正覺性入諸大悲說於大慈離衆魔見善說緣生入無衆生無命無長養無人與空無相無願無作相應坐於覺場轉於法輪爲天龍夜叉乾闥婆之所讚歎度在家泥攝諸聖人演說諸菩薩行入法義辭樂說之辯震於無常苦無我等音聲之雷怖諸外論見得之執諸佛所歎對治流轉示涅槃樂如是等經若說若持觀察攝取是名法供養又法供養者得不退墮順行摠持故於空無相無願無作相應深法中入至其底無動無疑是名最勝義中法之供養應當依於義莫唯愛雜味於深法道中善入莫放逸

又法供養者若於法中思法行法隨順緣生離諸邊取之見得無出無生忍入於無我於因緣中無違無闘無諍離我我所應當依義莫愛馳逐雜飾句味應當依智莫依於識依了義經莫著不了義世俗言說應當依法莫

取人見應當隨順如實法行入無住處善觀
無明行識名色六入觸受受取有生老死憂
悲苦惱困極皆悉寂滅如是觀緣生已引出
無盡以愍念衆生故不著諸見不作放逸若
常如此乃名無上法之供養

如是此資糧 恒沙等大劫 出家及在家

當得滿正覺

如前所說資糧於恒沙等量大劫中出家
衆及在家衆菩薩乘者多時滿願得成正覺
繫彼資糧頌 為菩提思惟 資糧義無闕
能知在彼頌 我今釋彼頌 於義或增減
善解頌義等 賢智當思之 釋彼資糧頌

我所作福善 為流轉衆生 當得正遍覺
聖者龍樹所作菩提資糧論竟我比丘自在
解釋竟

十一末

菩提資糧論卷第六

捲巨貞反正作舉掉徒弔反一動 華屣下所綺反一皮鞋也 車輿

文 圓 下余頃二音蓋車無輪日一金蓋散上音憲莫結搏聚上